

milimilingan a pakatua palisi katua cemas

maqati aicu a qinaljan tu kemaizua tu minseg imaza i qinaljan a qemiladj a mazazangiljan. nu madjaljun a maljeveq maqati a maqepu a qiljaljan a mapalisi. ai qinaljan kiseljan a masantalj nu mapalisi ta maljeveq. nu maljeveq. a palisian nua paiwan izua nu limacavilj kintalj a maljeveq, qau azua maljeveq masa tjalu putung a ilailaing a masantalj.

qau nu djemaljun anga cavilj maqepu a kicun tua qadau azua sikataqaljan. sa malang ta qavai ta paridiu a maru isi patjavatjavang ta ramaljemaljeng a tjaisangas a na vaikanga. eh, kialjing ta tja vuvu a pasaqinaljan, sa kaljeveq a lima qadau. semanlisian djaljutan a qemapudrung ta sini vuljuq a buru. a buru qapudrung aya itjen a matjakai. kacuin a pasa qinaljan sa kaljeveq a lima qadau. pautez a makalimalj azua palisian.

qau azua ipusau a simaza i tjanuamen i navalj, ljaviljavingan i tjanuitjen i taiwan a sepaiwan a temagilj ta ipusau. qau, tu inaljeveqan matu ipusau ta asimaza a semaviri a semaputung. nu cemikel sa djaljun anga i kavulungan i aumaqan, a nimitja a qapulu a sepaiwan i putung. qau, pautez anga azua palisian a maljeveq atua ipusau.

aicu a palisian nu penalisi aza nia pulingau, maidja tu qau aza aicu a palisian. maidja tu maidja puljapuljaten azua tjautjau a pakazuanan na ramaljemaljeng. qau patjetucu izua tjen a tjajaljaljak a na iluvad anga isumus, ljaua, matjaulaulanga pagalju. inia palailaing a ramaljemaljeng a tjaisangasangas, inakudan aya tu mapavalivalit a si-hu a na djemadjas tucu. masa inia paka palailaing tua si-hu a na djemadjas tucu, au titjen a vunavun a sevalit. inianga sepurukuz, inia pakapacuru masi tangidangida paqulid a palisian a kakudanan.

azua pinaka palisi inia maqati a pagaraugaven. azua pinacayan ta nakuya pinualjaken, sinan palisi aravac a namaitazua, namaitucu a tjaucikel nua tja ramaljemaljeng.

sa azua sinanpalisi nua ramaljemaljeng, izua qaqepuan ta palisian a tjinepes aya. qau azua tjinepes, inia maqati a tja sazuain, mavan azua pulingau, a pucemas, a pusiqunu a sematjez tazua palisian a makaya semazua, inia maqati a paqeteleng a caucau a zuma.

祭祀與占卜的神話故事

部落成立的集會所是用來舉行祭典的地方，排灣族每五年舉行一次五年祭，是從祖先發源之處延續遵行的祭典。節日時，族人一起製作年糕與各種供奉祖先的祭品，一部份用以舉行祭祀之用。巫婆及前輩們非常慎重地進行五年祭，包括祭祀用語和方式，至今仍傳承著，但有很多祭典及風俗已失傳或鬆動。

被列為不吉利、忌諱的事物，有專門集中的處祭祀，該處禁止進入，只有巫婆、神明附身，有法力之人，才能送祭品進去祭拜。